

江西輿地 说图

赵秉忠

文硕阁

wenshuoge.com

目录

关于我们	3
江西舆地图说	5

版权声明

本书版权保护已经过期，属于公版书！并由"文硕阁"网站的用户制作并发布于文硕阁 网站内,请大家在“合理使用”范围内使用

这本电子书可供中华人民共和国（the People's Republic of China）和世界上大多数其他地区的任何人免费使用，几乎没有任何限制。您可以根据本文件中包含的"传硕公版书许可条款"中的授权许可进行复制、赠送或改编它。

如果您不在中华人民共和国，您必须在使用本电子书之前查看您所在国家/地区的法律。

什么是公版书？

根据我国现行「著作权法」第 20、21 条的规定，除署名权、修改权、保护作品完整权外，中国公民对其著作的法定权利均于作者死亡后第五十年的 12 月 31 日截止。超过著作权法保护日期后，其作品就进入了公有领域（公共版权）

这种因作者死亡超过 50 年而丧失发行权、改编权等著作权利的书籍，就称为“公共版权书籍”，简称“公版书”。

传硕公版书保护计划

中华文明5000多年绵延不断、经久不衰，在长期演进过程中，形成了中国人看待世界、看待社会、看待人生的独特价值体系、文化内涵和精神品质，这是我们区别于其他国家和民族的根本特征，也铸就了中华民族博采众长的文化自信。

文化是一个国家、一个民族的灵魂。文化兴国运兴，文化强民族强。

所以我们发起了公版书保护计划。来帮助把中国五千年的文明硕果进行电子化并服务于大众，我们网站所有内容都是免费、自由、无版权的。对所有的读者免费！

使用 **文硕阁** 中的公版书 不需要获得许可（在中国，这属于“合理使用”）。这适用于所有用途，包括商业用途。换句话说，即使是商业盈利用途，也无需支付版税。

我们希望能有更多的用户加入到文硕阁网站中来，让我们一起来保护传承文明的硕果。

源浚者流长，根深者叶茂。文化自信是一个国家、一个民族发展中最基本、最深沉、最持久的力量。

如何联系我们？

网站：www.wenshuoge.com

邮箱：7sbook@duck.com



(扫码访问网站)



(扫码加客服微信)

江西輿地图说

○全省

按禹贡淮海维扬州而彭蠡在其域中是为江西肇基秦郡九江汉国淮南唐以后分合不常国初定经制为江西布政使司南距五岭北奠九江据百粤上游为三楚重辅瓠越荆吴之交江湖林麓之裕实江东一大都会也第其地势崩洪平衍险阻既分形胜斯弱安危轻重常视四方焉列道五岭郡十三分邑七十七置卫所十四形胜纲维文武经纬盖壮图式廓伟哉厥輿地视蠡湖为纪而川原山崎渐以环堤南昌在湖之南为会城诗书礼乐攸萃蝉冕章绂俪古邹鲁湖东为抚州东南为建昌又东南为广信山川蜿秀士雅民勤而抚州文物称盛湖西为临江西南为袁州地逼长沙逋民客户讥察颇难又西南为吉安清江碧嶂鍾灵炳文而尚义侠节吉士之异也湖西北为南康又西北为九江东北为饶州土沃风俭志靡顽顿而九江据省上流牵制沿江州郡且与南康密迤巨湖吞浸实保境要害重关也瑞州却湖而负山溪壑深断其人务本而善鬪南安贑州去湖益远在省治极南以五岭为屏翰而汀漳雄韶诸山跨络林箐茂密斯为盗藪故设督抚重臣提师临之盖其人轻生而好兵此五方之形势习贯较著者也揔之力作嗇施修名砥行里无芬华之尚士君子有崇雅之风其所从来久远矣乃其土瘠赋繁而藩祿滋蔓势弱饷寡而戎除狃愒是为隐忧且游民轻去乡井而弹冠结驷喜簪鼓標清议风之弗古当事者难之然则剂癰□□际以燮元气饬师堡以作神威祛尘谈而务经济崇木疆以回浇浮是惟识时务者俊杰哉

○南昌府

最繁 最冲 南昌古豫章郡奠藩会为圜枢乃群山翼赴众流朝宗之域而声名文献蔚然列郡冠冕王子安云物华天宝人杰地灵有味哉夫其言之也然閭左溷编户周道交皇华簿书限于期会路节犇于悉达俗且勤生嗇施薄义喜争弹射腾口囂讼鼓舌而宗潢星列城社多凭有如二千石咸神君焉亦鲜谈笑劈画之矣

○南昌县

最繁 最冲 刁 南昌治附省城东而辖地亦东之口赋甲诸邑洪都文物为兹邑最巨丽云然民饶鄙逐末趣利鲜怀居故逋负用积奸魃难考竟橡曹因得用计策舞其文重以藩封攸宅事多牵制且濒江田旷人稀直隶界边流民亡赖者率众佃耕其来不可御稻登则窃攘以逃其去不可追富室岁岁猷苦之甚至作奸亡命事发并逮其所主尤为巨蠹隐忧云

○新建县

最冲 最繁 疲 治丽城西隅冲剧与南昌埒而民稍良讼是用希揜原奇丽双江汇环盖都会雄观为兹邑所有初滨湖下流之地委萍藻鱼鳖之乡圩田既兴菑畚攸墜干溢豐歉氓命县线故赋籍逋而吏弊滋炽其水草之交细民易与于乱盖备御尤警夫昔矣

○豐城县

最冲 最繁 刁 豐城在郡南境罗山列屏剑江滌带土之轡文蜚藻犹有龙光斗牛之气土瘠民稠居务畊桑而游四方者咸徒手致橐中装然地当闽楚两粤之交冠盖出丘亭軫相接也岁储不下十万而逋者过半地执外隴中洼受五郡下流所击金堤易决埽堙频频又地界抚瑞临江草窃间发而黠侠竞胜于无情狡吏巧舞于多滹盖负郭之外于此称剧邑云

○进贤县

最冲 次简 淳 进贤在郡之东九曲滌流三台屹立灵秀攸鍾人贤称是民率忠朴士高节槩风候近驯金矢鲜入第闽越四駢犇命云瘁而抚饶错界盗多窜流然花园既平稍得高枕治之

○奉新县

次冲 次繁 刁 奉新稍去郡介在西陲民儻岵峒以宫始未尝不土物爱而劲气囿褻撻舛乘掎肺石棘听迓复安义辟衢客引车辟省会□□山王□□□山王□阡出遂令里区延为谒舍宰厥邑者谈何容易若夫九仙百丈温泉剑井固封内之胜槩殆未与于斯文

○靖安县

最僻 疲 刁 西去奉新又四十里嶭岑郁盘鸟道鬱丛盗狐兔其窟溪涩而商贸绝迹土瘠而民散接踵私匿公逋职此故哉乃其桀黠鼓刀笔以公门为城社揽税粮视臧镪为贏橐钩撻鲜施薙芟靡皇邑虽僻小治良艰已

○武宁县

最僻 疲 刁 武宁在郡西北万山中仅遶羊肠一道上抵宁州下至建昌山削水驶瘠土窳民以畊织自长養庶几哉槿庐藿扉之风坎乃儻忽报而混沌凿繇是主保兴官钱没讐扬盛文法蠹长吏鲜克有终噫嘻世道江河治斯履霜矣

○宁州

僻 繁 刁 宁州环山负险阻地里寥廓林箐茸蒙险道倾仄四境所交故楚之区脱而江之穷里亡羊逐兔之岐也是州经理备盗孔棘还以观察使者奉玺书揆奋其地丑党咸誓而铜鼓之中屯湖江之夹攻图上方畧前筹庙算矣至于锄武梗会赋役肃追呼简讼系是外宁内治数交倚伏五马当局审先后哉

○瑞州府

次冲 次简 郡故汉建城县唐筠州宋高安郡而易瑞州者则以瑞芝二国朝因之按图记吴楚中分负凤华之巘□蜀锦之流顾堞雉偏侧干旌弗子正德间邝刺史披蓊蓊得唐之外城故址跨锦水城其南北嘉靖中吴文端公倡议增筑峙关垂虹益宏丽称巨镇云辖县三高安上高土沃而苦赋重新昌虽有山竹微利亦为盗贼渊藪俗以穡事女红相尚无靡靡之习独诟讪成风蟠糾莫变巧伪日滋吏治劳止筠州道院拊髀谈曩时矣

○高安县

次冲 疲 刁 县治附郭厥土夷陆厥田父顾陈疆畎弗踰中邑而藉赋当湖东岭北一小郡疲也俗嗣股肱纯蓺黍稷佐以俭固繇是不大困然逋蠹滋矣况安义介用一蹊斯地鼎来九轨委人稍聚弗支氓且健讼□梗展也瑞之岩邑哉

○上高县

次僻 次繁 刁 邑据郡西偏上流亦省会临江新昌万载四幅之穀以非康庄冲五之一慄悍嗜讼狃狎逮摄爰书鲜裁而赋重役繁豪家积逋□甚盖难治于高安鲁卫云

○新昌县

最僻 次简 悍 新昌僻在西北徼山奔土垆雨暘稍愆沴立作幸饶竹木衣食奏裕风气骄囂谤讟机奔以刀笔为耒耜而豪右作逋逃主邑长吏良苦辛矣然古朴流风犹有存者人耻恶声而世家克由礼瑕瑜各异哉向也山谷剽御时闻桴鼓华林黄冈之轍至今谈之乃斤垓方严悍气渐耆抚而治之亦惟威克厥爰已哉

○广信府

最冲 最繁 信盖春秋楚越比境云秦郡县天下始为余汗太末地置肆焉历唐称信州国初府以今名据省会上游灵鹫干霄自武夷来秀色吞匡庐而为溪靚王紫达彭蠡谓扶与清淑之气非坎乃介荆吴闽越八达之会舟车辐辏廩饩殷矣俗尚淳俭吉凶宾嘉率于礼壤赋式供君子重清议二千石足容与莅之属者亦习奢渐颺风之会也而龙虎符篆之教湛溺崇鬼激嗇扬躁讪讼株蔓七邑疵斲□皿志昔记之矣以辛酉粤衣□十之乱藩司出镇当闽越亢背隐然虎豹关云

○上饶县

冲 繁 淳 邑治丽郡中周行崑歙称是而膏秣糗载之经壹制于郡令于是乎诛督寡尤自东徂西王山铅弋所襟带东南接永豐地僻山峻北通饶之德兴乐平蹊崎而势辽则有八方郑家两巡司分亨鄣焉他若张湾台湖大安箬岭凡院□□匿设险綦布戍卒时以兵法部勒之足恃无恐士修氓朴逋堆案为鲜盖善地也所异畴昔者武断作厉螟蛉为宗草窃为奸左道

煽惑习积以頽司牧者殆未可宴然卧理也

○王山县

冲次繁刁王山以怀王得名故浙衢属邑今辖于信犬牙闽越盖豫章第一门户云东距府治百里舳舻击之区财力故绌寇燹之余重以畚鍤民用滋困且粮多寄籍簿计颇艰而黠犷好讼于今为烈东界开化江山北界德兴徽婺矿徒时聚三衢谷中所凭借为出没之地兵力寡弱一方有事两省震惊戢之维何慎封守严讥察籍外援其庶几有备哉

○永豊县

僻简次淳邑在郡东南五十里坏僻吏事稀征徭易办而民稟嶮峻之气羸蹙健讼逋负时有在调剂握机尔已论形胜四面山鋟崩山□衣□十错于浙之江山闽之崇安浦城故有银冶今闭海盜之囿也柘阳巡司警备之北连王徽之铜矿山通焉又为窃伏者间道两方门庭之患宁无厝火飙风之虞哉盖其要害与铅山唇齿而把总专驻铅山娥伏狼顾非策之得也边有冬夏移兵巡徼之画殆捧漏沃焦务也时乎时乎

○铅山县次冲次简淳县在郡南八十里而遥山川雄秀区粤而习姘民情醇狡相半赋乐输将讼鲜终怙东界闽分水关使星贾橘织路西弋阳北上饶孔道之交而东南一带又与浦城光泽相乘薄北间错落守望孤而盜踪譟张于是石佛有巡司温陝桐木刘墩诸关隘武胄分番提兵捍之邑城特置守御一所又设把总召集团练非形执当要害邪顾河口水隩商贸骈坱藏奸之藪还有县佐分驻之议周卫益密繇斯以谈令所难易大较可睹矣

○弋阳县

冲次简次淳弋溪之涯有大面石如镌弋字又水流作弋文故以名县县距郡百二十里而近山川平衍东兴安西贵溪光泽南联德兴北引而铅山乐平亦为达道水陆之会厩置旌樞共待裔裔繁困矣俗重廉隅甘嗇约而土饶陬乡鲜殷富农无盖藏是以恒产轻而厚道漓租挈讼逮日斯逋囂且襟带闽浙绵亘湖江表里信河奸宄者鱼鸟聚散衣袂之思盍仪图之

○贵溪县

次冲次繁刁贵溪者治在湏溪口也山川孕秀才儒云蒸南抵闽之光泽北抵饶之万年而弋阳铅山安仁东乡金溪皆为径道上通王山下达鄱阳而股引大江虽非都会抑水陆所喉咽也往来公私骚□血□□能弗重困又龙虎山敕建上清真人之宅仙岩奇胜游客翩翩羽盖焉乃其封畛圉辽醯盜狐魅舟车至止剽窃是虞故陆有管界水有鹰潭巡寨攸司而小岭尤为多警近议裁逋运为巡司筹之善矣至于土风朴畧习俗梗戾讼狱繁兴而租税负于豪侠案牘淹于史胥较诸七邑号难治云

○兴安县

次冲 简 次淳 兴安故上饶弋阳地云往为镇以窑民之杂处易构也特设郡倅抚而治之嘉靖庚申始泐为县南抵铅山北达德兴东接徽婺崇冈迭巘山势盘旋在信州则为西境亦稍稍毘于闽矣邑无骑置之署而捷途交冲供亿为艰其俗旧多庞梗经略之后向化滋驯征输易纳政务殊简至于好讼轻生则渐靡所繇来广远矣

○建昌府

次冲 次繁 淳 汉以来建昌为临川属国后唐析南城为建武军始有专制宋曰建昌军明兴改肇昌寻为建昌府其地以盱水为宗故又号盱江郡云抗御七闽牵制百粤五岭咽喉三吴襟带盖江藩南镇关键也土沃民饶勤作奉公士风淳雅儒术科名为盛桐封煮土而租秩寔继移候輦互而叙节罔诘则岂非善富之明验矣哉顾抚信诸山应谷贛郡三策比邻内煽外震□虞故有团练把总训兵防御而湖东制使奉玺书临之要害重地固如此至于绮靡相夸诩泥堪与耽宴乐自昔颇尔于今为烈其必树表仪者有以风哉

○南城县

次冲 烦 南城形胜财赋人文甲诸邑事简民淳雅称乐土嘉靖末兵衄之后始翹翹多故焉矧邻封控引遡水则临川之青泥峡渚蠓獭含沙缘山则金溪之华圳田西兕獍当辙而泸溪负固猖逋几为腴病是故增县控驭便乃风会则昔朴今靡外腴中瘠且时时事条刺相折逆矣亟反之亡令势重哉

○南豊县

次冲 次繁 刁 南豊户口滋繁以饶称人文庞雅犹有曾子固之风但陆通闽楚水接虔南未免劳于给还且氓习犷谲逞蜗触相雄长吏弗克弹宓琴治之是则今之南豊也已

○新城县

次冲 次繁 次刁 新城东接闽峤杉关而周坪箫曲灵鹫为之四阨抑湖东屏蔽哉然山峭水激俗矜节恃气乐鬪轻生意奢崇鬼而积逋繁狱寢异古初说者曰士大夫秀而文细民俭而健有以夫有以夫

○泸溪县

最僻 最简 地故南城一巡司以梗声教故县之在群山壤断中去郡最县隔界于新城金溪东接闽之光泽而通省会路廛廛束马新造之邦实户数辟草莱纲纪而文章之庶成聚而都矣

○广昌县

僻简次淳邑山多田寡赋轻易完路通闽粤亦一郡要害之区自流寇肆虐民始告困大抵庐舍畎浚土著侨居相半而慵朴险健主客异形故有鹰养虎卫之患若山川之磅礴秀清驶其人文蔚发民到于今称之矣

○抚州府

次冲最繁刁抚州禹贡系扬周礼职方氏属吴孙吴始分临川郡隋为抚州其镇巴山其川临汝其浸千金陂控带七郡犬牙其疆土瘠民稠风俗淳庞士操节气耕桑四野冠冕一路盛矣迹民多逐末以竞刀锥好讼而贫且盗重以辛酉兵燹闾里为墟征敛拊摩蹙额繁瘁也道通闽楚越粤轮蹄四出致馆路节为艱地无设险故丑党蜚聚易逸而难讥惟是弦歌机抒声犹达乎四境属耳文昌堰合人以为祥盖自王介甫文章风槩陆子静道学英朗迄于今士君子之厉节持论者翩翩流韵弗泯哉

○临川县

次冲最繁刁临川附郡郭幅员五百余里俗樛播谷雅尚诗书耻习浮靡人文郁烈第磽地生齿繁而轻去其乡顷来逋赋日多草窃渐起狱讼滋炽故长吏簿书头会为难繇地广政丛倍它邑耳

○崇仁县

僻次简次刁崇仁在郡西稍北其镇曰罗山其经流曰西宁巴水水界县中难施版筑历代未有城堞辛酉之难今为两壁相向称凭陵已故老云昔者风俗醇厚民勤畊织野有露积夜户不扃红腐之余且支旁邑岂不均均言富教哉迹煽习为狙诈故訕譏嗽讟窃攘矫虔风之下也地僻而治亦难坎且壤交闽粤致寇至往辙足鉴阨险弗可援云

○宜黄县

最僻简淳阻山为城临溪为池地僻土膏力田寡讼薄赋易输素称善俗而人材亦□□山王□□□山王□効地之灵可谓一方之胜矣爰自流寇肇徂淳气渐漓民好忿争士鲜礼让然方诸它邑犹称美焉

○金溪县

次僻次繁刁金溪重冈复岭土沃税轻民勉贸迁士勤学业若宋儒之道术昭代之勋庸裒然一郡举首岂其云林跃马锤灵固有自耶顾西连闽建阻狃生奸北接安东啸号为盗往时清泥出没依附草坪今巡司虽设而短狐狡兔窟宅犹存虑未释也旧云俗醇事简今也否否

氓勇于私鬪目□雁眦狼戾甘入汤网罔悔亦异乎昔之金溪哉

○乐安县

最僻 简 次刁 乐安县在万山中距府独远介于吉贛地僻民俭俗勇决尚义守望相助足以御侮第任气健讼不相能有古侠士之风而岁课不免包侵逃亡易于窝匿无亦风声气习使然与是邑虽简僻而人情独难驯扰者

○东乡县

冲 简 刁 东乡故临川东鄙也接桃峰之胜据长林之险民俗强悍易于啸聚正德八年寇既平乃建兹治土地广饶人民稀少农务耕耘五谷徧野临民大半仰给家称殷富焉但习俗难驯贤者不免贫民佣刀多聚为盗路通省城浙直共亿疲劳故在六邑之中最为刁敝云

○吉安府

最冲 最繁 刁 吉安秦汉时九江庐陵郡属南部都尉理所安成名肇三国唐以后号吉州今曰吉安府府治据江上流南接章贡北竟淦水东控临汝西蹶袁桂规土二千余里咽喉荆广唇齿淮浙神冈揖其前螺山岨其后江流回合东走其下古所谓天作之邦文章节义鸣中国盖自颜鲁公流风而欧阳公八代飙举文文山两间正气逮

熙朝雅益翔翔匪秬文科第已尔顾岐旁比壤剧骖攸会边馆授粢纒 □建猎比比告困矣土瘠民稠所资身哆业邻郡其俗尚气君子重名小人务讼兼之军民杂集豪猾猋腾吏治鲜効庐陵泰和最称难理永宁龙泉稍稍易与云

○庐陵县

最冲 最繁 刁 附廓地大物庶当江右一中郡俗勤俭有唐豳之风而修文秉节景行□□山王□古乃厥筭赋称庀头箕鲜纲胥魁移长度里侠诡籍神奸霞变矣至于讼牵束矢议格筑舍故由折狱而犹宿侨布令而致器柳文多舞许评易摇自惟剑兕之材其鲜辕驹之逸邪

○吉水县

最冲 次繁 次淳 去郡四十里而近石阳挺标文水合璧盖星分云居云汉之下流诗书诵读自门□代阅闾闾而达隧鄙声相闻也厥民力穡游手伎艺虽无陶猗之掺终鲜剧鲜之豪故礼让足观壤赋黜逋讼系希阔路边崇期而委积易豫坏人亡虞于奔命也长吏其坐啸临之哉然迺滋顽戾横议持人短长风之靡也良工之心寔维今之令乎

○永丰县

最僻 最简 刁 永豐三面距山盖乐安宁都新淦所斗入兴国一线又有鰲岭五花之险□闽广绿林间道业有三巡司备之西界延吉水为孔道而非亭馆之交土田夷衍多上农俗务履方養名耻奇袤大都西北产美彦而东南地隣虔境山巖水激故人性轻悍而健讼魑歎之余民甚负责赋入愆期于是乎课最患拙矣

○泰和县

最冲 最繁 刁 泰和滨贛水而邑原隰畏潦乡谷畏盗地埶然也讼猬兴而赋兽逸剽课称艰且路当吴楚闽越之周馆人津吏颇繁苦矣邑西十里为破塘口正贛水所击射数十年来洪涛曩圯江势将遶邑背而东徙民虞荡垫堤障之谋岌维孔棘哉若乃崇雅砥节文献云蒸则自昔号彬彬云

○万安县

最冲 次繁 万安幅员多阻山章贡两水襟带之盖虔州北钥云而洞孳亦稍稍转噬矣四民敏修业雅驯足称告讦时煽竟鲜滑贼然地接交广剽攫金者间致阑进而使车庐宿糗饩且相属暨征逋诘奸以是为难尔

○龙泉县

最僻 次简 悍 龙泉据吉州上游西阨郴衡南控虔楚东连分水北结新州固四塞之区也僻在西偏崇冈茂箐而禾蜀二源之水左右汇流环城东下民生其间肖山川之气大率犷黠俚鸷而习为薄恶且地交异省陵阳六坑一带密迹万年八面雪花等山峒盗藪若萧安黄沙诸处又与南贛韶广贼路相通然则龙泉虽褊小其吉州藩离而江右要害地哉控制方略是在桑土矣顾唯讼牒希简岁赋趋输称易治云

○安福县

次僻 次繁 刁 安福东接庐陵西连楚攸分宜北络永新南引错吴楚而控荆陲引郴虞而走交广隐然要胜之区也武功秀耸泸溪莹环灵鍾孕人文焯烁盖南服称雄矣然学士兢標榜而易雌黄侠子争睚眦而鼓珥笔俗且重农务□尚嗇乐鬪志云南山厉峭势如角逐以故风气所囿其然欤至于奸猾蔽粮豪家怙势虽称僻壤号难治云

○永新县

最僻 次简 刁 永新当郡西徼错介荆东陲与茌水大洲诸贼巢接壤盖奸宄所蟠藪也且山势险隘商贾罕达土田硗确树秔不豐故其民贫其俗悍君子矜节而尚气小人健讼而轻生治宁庸无事邪

○永宁县

最僻 最简 永宁旧隶永新元至正间始割地为邑而我朝因之邑处万山中险阻四塞既非舟车辐辏之会而邮驿并废亦无奔走迎送之繁赋寡易竣讼简易决其安静善治之域哉

○赣州府

最冲 最繁 悍 赣地最雄巨袤方千一百五十余里山川深阻下瞰交广东达汀漳西通郴桂翼定南为南屏北顺流下吉安以达会城建瓴四省形胜冠岭北矣崆峒摩天章贡激石有涌翠流虹之势而鬱孤台屹柱乎中节镇牙纛建焉桓桓乎天设虎豹关哉四境峦嶂森碁土鲜夷曠厥田下上错美水泉非大旱民不饥然亦亡贏貲士风愿朴文教骏起而尚气好鬪十二县性习故相若也维是冠盖骈集供亿实繁长宁定南反侧新附生聚而教训之佩犢挟弓矢有诛庶乎回心易向乃其小忍恶養焉则芒□斧斤乖所用矣

○赣县

最冲 最繁 县附郡郭为幕府建节地宾旅阡交公檄旁午实称冲剧人稠赋重案牘日增且流寓土著错处飞语钩箝未可卧而理也农积庾廩士趣文介然阳亢赋气弗驯故乡多任侠婚规下镜而栢舟之伤夺志马鬣之封逾度鸠鹄之巢溷宗噫救也久矣

○雩都县

次冲 简 雩都东去郡稍近山环万壑水合众流扉董星落而藩竹风会非僻途也俗尚俭士亦切磋于学迺颇好讼崇鬼竞富喜争公赋渐逋然调剂得脉理亦易取効云

○信丰县

僻 简 当府治之南昔三巢弗靖正咽喉地故郭阳有小江堡兵屯之戍顷方犁辑剏定南县而斯邑乃获安枕平原沃壤家给人足市无方言炊不糜食然俗尚浮华生计易殫而外郡之豪竞蚕食之故粮虚籍阙且客主为敌国频年构讼凌暴滋炽寢寢乎羸矣

○兴国县

僻 简 兴国在郡东北相去二百里而近接庐陵万安之间地僻谷荒山□□□□鹿水猛而田则腴民殷俗俭可称乐土且畏法尚礼讼简官闲号易治矣迺虽稍犷习□背公然得良吏一张弦其犹烹小鲜哉

○会昌县

僻简 会昌距府东二百里宋时析雩都之九洲镇置为县时凿井得瓴甌有篆文云会昌故以名界连闽广实巢峒出没之区羊角水在上游命将耀兵当东偏一面民俗近淳输灌惟谨故易治然地僻风伉多出武夫劲衣□十而路通武平私塩尤难诘云

○安远县

僻简 在郡域东南三百四十里环山截僻鸟道悬车入而中划夷衍桑□满畴民居殷阜顾土囊别一佳境也 风俗间朴以黄乡之驚桀而今租税独先办焉信非犷乱地也惟割补长河新附之民征输尚未扰习而巢峒咫尺武间亡命追呼为棘迕抚辑分建长宁县斯亦易治云尔

○瑞金县

次僻简 瑞距郡东三百六十里陈石嵌岑绵江荣带邑介其中土瘠民俭田家苦作不诡于讼事称简省特为汀潮北指之衢且鹿溪羊回私鹺盛行頼民汀□勾党□奸利法几骖矣

○宁都县

僻繁刁 距郡东北三百六十里与广昌乐安接壤民勤俭善事家人生产故以给足称顷益靡浮且四郊多麓阡塍颇□邻畔所席据而市氓之饗者隐官钱黠者舞文法至蟠食长子孙燼燼得策故其治讼芜秽而逋赋狼籍远乡顽梗滋甚至议分官就斂焉岂非以难驯故邪吏兹土者其辨之

○龙南县

僻简 县在郡南四百里冈岫莽合林箐豐翳飞泉接田岁旱弗涸曠土既多民能力垦衣食饶矣然风气悍劲喜即戎与国召援一呼而偏师可集强者奋臂称冠军与巢峒相寻盟然不可部勒以律稍束湿则尽謹马牛风矣但习俗朴鲁无博塞优倡之诱盖可激以义者往三巢未宁为郡南蔽今剏定南独当阨塞于是龙南遂为腹里可善治云

○石城县

僻简 石城东接闽汀距郡治四百而遥环县皆石矗矗如城故以名焉有龙岩瀑布石笋参天之奇地居僻壤土著贫弱而侨居强盛抑风气使然欤饶稻梁鲜迁贸士知向方而赋清讼简庶几哉与民安堵也

○定南县

僻简 瘴定南故巢峒地隆庆中抚剿安集之始析龙南信豐安远三界鄙夷之民设治于万山之巔岑冈洄头为其唇齿相距三十里而近其间险远去漳之和平又声援辽绝鉦桴窃发

独以孤城弹压居民无百室之聚危弱矣且□旅弗达鲜食木食犹然艰之地复瘴疠民性犷悍吏务羁縻难以文法治也顷谓下历巡司为邑中道谋徙县廨于此而湫隘域民弗便故议辄报罢

○长宁县

僻简瘴自长远南入壑道萦回抵其境则村落四布盖叶氏所凭陵窟宅也万历三年反侧子归命奏建为县新城百雉雄坚永图初附之众犷习弗狎驾驭颇难然竟椎鲁堪结恩信惟夏秋间岚瘴鬱蒸吏人每患苦之或曰习能亦无恙云还定安集迄□宁宇非定南所基也

○南安府

次冲次繁按南安自秦汉来未有名号孙吴始县宋为军元为路国朝为府皆仍其称后封疆千五百余里据江西上游接南荒之境迫东粤而带郴桂表以庾岭旭山汇以蓉江章水隆然南徼形胜哉山多田饶陋故收挈算寡而平繇征重俗俭养侈葬疾疢祠鬼岚气袭人四县一也昔庾义楚粤之侵康犹城社之变仪鉴弗远迺故营伍周卫而列邑城郭相臂指民庶几无恐焉然狃安生玩当事者其诵苞桑也乎

○大庾县

冲简大庾者以汉击粤将军庾胜筑城于此故邑与岭因名焉地当五岭最东控广引闽谷长山邃据上流而遏边徼以南岛之重货贡篚所梯航也函节既通星车攸逐宾旅牢馈蒸蒸已赋役云重而算事弗实故流移虽少而催科□劳赖民淳讼简盗亦屏迹于斯称易治云

○南康县

冲繁刁南台山峙芙江水环其壁立缭绕之势亦南虔佳丽地也衣冠文物甲诸邑而水陆经行虞廩称匱习俗尚气嗜利告讐成风壤则多负盖南郡所指名岩邑也邪

○上犹县

僻简上犹在山谷中为江藩边邑旧治编户虽广而横水桶冈诸峒接壤雄韶万山会焉是为虎冠者嵎负正德中王文成公荡平之析立县治繇是底定然西北连楚桂东颇为要害而浮龙正袍之间巡司设焉地近南荒瘴疠时作其俗宋效忠义今习礼文士果而毅民戇而刚稍使之不以道则哗然起持人短长然野多畊耨之民山饶竹木之利淳风未散终善地也

○崇义县

僻简县本新造余风未殄昔輦人称乱新建剿而抚之因割庾康犹之上农以充编户而新民

亦知向化是以邑号荒落俗称淳厚公赋谨输男则采山种蕲女则续葛织席以为生业供应不烦词讼不扰犹为善邑独郴桂隣盗当预防门庭焉尔

○临江府

最冲 次繁 临江亦筠州地宋始改清江为临江军以袁贲两水合流入江故名幅员广袤三百余里而阁皂王笥所占洞天一福地二盖寰中最胜处云郡居江藩之枢掖袁控瑞通梁粤带虔吉□方舟环涂之会合方氏告劳也地狭民稠趣利逐末先志曰君子尚德崇礼小人勤力知分乃顷寝不如古而好争习惰侵乘倒置之萌茁然矣顾犹士风文英淳气未尽决裂故教化易奏焉

○清江县

最冲 次简 附廓形胜勤剧与郡埒率江之浒永泰樟墅南北为舶鳞集凡田之环阁皂福地者称上上它多砂确畏旱而春江之涨又苦潦民庞俭奉公讼鲜嚣怙盘宗流韵畏义矜俭治法驯矣惟东北界羊脑者夙以探赤白丸相煽迓檄豊城高安暨本邑三巡司逋警之庶几无震云

○新淦县

最冲 次简 新淦者水源经淦山入江而名也表以百丈峰侵碧落有葛仙奇迹衍畴嘉颖故财贡易而珍馆充俗质义绩学耻角讼可县象魏理之矣然地跨长江蜚孽时作若老浒乌口诸地固觚伺窃发之丛也巡兵虽设宁遂忘西顾已乎

○新喻县

次衢 次繁 即喻水为邑号有云岑王几之表而蒙山寔老子畊地朱紫阳谓五星奠位宜产名贤县今以谈士族秉礼揆文介节流光盛矣第民习悍喜争而公赋干没于亡赖经界失均于兼并邑之繁难惟此尔

○峡江县

最冲 次繁 疲 峡故巴丘石阳地与淦吉为邻风气渐陶士守清议民用俭缩然土瘠故多贫逋流移且持辽旷为骄悍建邑置吏初指以此盖历三纪而风未移也矧值周行事宜且猗兴长吏跃跃难之焉

○袁州府

最简 次冲 淳 袁古宜春侯国隋因山名州东临南吉北瑞西楚长沙寔为封畛秀水萍川五

台山峡绣错井疆如绘盖江山多胜游诗记之矣俗纤啬乐畊稼廛廛食土之毛赋税及时间里无事犹有房次律韩昌黎遗德云地当湖湘蜀粤滇黔孔道供亿为繁宜春分宜萍乡并受其冲惟万载差僻尔民愚易触法而蜚□视昔铄翮且赋重财拙水旱盗贼易煽岂向所谓简醇者哉

○宜春县

次冲 次简 淳 宜春界连五邑间错楚浏民无山泽之饶耻逐什一之利安于俭啬能绝甘毳藻缙之奉虽匪膾积温厚而甌石储不馘也故上供维时讼牒希阔吏治易起焉或曰风淳而敝滋玩愒政繁而势或齟齬是在明作者前筹之

○分宜县

次冲 次简 疲 分宜者宋雍熙间分宜春东壤而治也昌山矗岵表水泻秀鍾僊对绾其口袁岭笔列于北钤冈屏插于南盖四塞淑灵之隩哉民勤敷菑鲜服贾食土自有余饶岂不媿媿称乐国乎顷以夺柄臣产抑民鬻而倍其直于是邑里瘡痍无完室矣重之馆候繁交财力两拙莅治为艰

○萍乡县

次冲 次繁 淳 图经曰楚昭王渡江于此得萍实故相传以名县云地接湖湘凡取道入郡者南攸北浏其岐旁也凤岭罗霄郡峰屹立盖大江以西一门户云地外险中夷夙称膏野而文昌久瘞三面并楚洞庭余波萑苻时作椎剽相逐莫可穷追厥初肇域巡司交控若安福界之大安插岭铺之草市浏阳界之安乐震邻备故廩廩矣然则豫除戎之画振鼓篋之风文武维所用哉

○万载县

最僻 次简 刁 万载当郡北更北在宁州境也东上高西浏阳鸟□我□诸峰障之客时时走筠阳间道来故亦当亨衢十一往岁湖湘亡命阑进陋中议设黎源守焉乱是用戢第富民习隐匿为奸利猾吏巧舞佑之且矜懞忮喜告讐谢康乐风流安在哉吁盖难治甲四邑矣建昌府督刊知事毛祯 督写检校季士俊 对读教授徐文渊 训导陆胜宗 覆订湖州府后学吴仕旦